

Parare Domino Plebem Perfectam

A lokisetse Morena Sechaba se phethehileng (Luka 1,17)

Moeletsi oa Basotho

www.moeletsiobasotho.co.ls

Ba tlokotsing ea tlhekefetso



3

'Muso o ntlafatsa maliboho

5

UN e pepesa litalenta



7



LIKOPO LI BULETSOE



5

www.moeletsiobasotho.co.ls



KETEKELO EA LILEMO TSE MAKHOLO A MABELI SECHABA SA BASOTHO SE THEILOE

+266 28 350 466/
+266 6260 0983 WhatsApp
newsroom@moeletsiobasotho.co.ls

#PARARE DOMINO PLEBEM PERFECTAM

MOELETSI

Ke ao maputulo!

Tlhekefetso ea basali le bana e ntse e le qholotso e kholo lefatšeng, empa ho bonahala basali ba sebetsang bophatlalatsing ba lebetsoe ntlheng eo. Ka hona re leboha Mokhatlo oa Paballo ea Bophelo ka ho lula le basali bana ba bohlokoa ho ba lemosa hore ba lokela ho tlaleha tlhekefetso, haholo eo ba e etsoang mesebetsing ea bona. E mong oa basali bana o re ka nako e 'ngoe ba koenyeletsa mathe le mali ha ba hlekefetsoa nakong eo ba batlang litaba hobane ba re tšebetso e phethahale. Ho feta moo ba lla ka meputso e sa khotsofatseng eo ba e fumanang, kapa ho se e fumane ho hang.

Ho feta mona liteboho li lokela ho lebisoa Setsing sa Pokello ea Lekhetso (RSL) ka ho tšoarela baphatlalatsi tiholisano ka kopanelo le MISA, bafani le batšehetsi ba bang. Taba ena e bohlokoa haholo hobane e tlatsa baphatlalatsi morolo mosebetsing, hape ba hlokomela bohlokoa ba bona kahar'a sechaba. Re lebohela bahloli bohle 'me re re ho ba sa fumanang letho, le hosane e ntse e le letsatsi, etsoe maputulo a mosebetsi oa lona ona a pepeneng. Ha se bohle bao e tla ba bahloli ka hona sebetsang kathata hore nakong e tlang le be bahloli.

Machaba a Kopaneng (UN) a entse ntho e kholo haholo ka ho hlokomela batho ba nang le bokooa, e se ka ho ba phallela joalokaha e le tloaela empa ka ho ba thusa ho iketsetsa lihlahisoa tseo ba tla li rekisa. Ba lebohile haholo 'me ba re le bona ba na le bokhoni le matla a ho etsa mesebetsi e etsoang ke batho ba bang. Joaloka bohle Morena o ba file litalenta le boqapi tseo hangata li hlahellang li ipatile hobane ba sitoa ho li hlahisa. Morero ona o tlo bula Basotho mahlo hore ba tsebe 'me ba bone hore batho ba nang le bokooa ba ntse ba ka etsa seo bohle ba se etsang. Ho latela lipalo-palo lefatšeng batho bana ho shebahala ba le tlokotsing e kholo haholo ea tlhokahalo ea mosebetsi, ka hona UN mona e loanne khakhaulane molamu oa hlooho.


Lekala la Lipalangoang le thabisitse bo-rakhoeboboto ba likoloi tsa baeti le tse nkang bana ba sekolo, ka hore mangolo ao esaleng e le pharela a se a fumaneha. Lekala le bontša hore le tla potoloha le litereke tse tharo, e leng Maseru, Mohale's Hoek le Leribe 'me bohle ba nang le khahleho ba ka etsa likopo. Hona e ntse e le ho khahlametsa bahoebi ka ho atametsa litšebeliso haufi le bona, haholo ha ba ile ba sokola nako e telele 'me likhoeboboto tsa bona li eme.

Mookameli oa Lipalangoang o re Motse-Moholo ho na le tšubuhlellano e ngata hoo likoloi li qetellang li ikemela hohle ka hona ba lokela ho lokisa maemo ana a hlobaetsang. Ka lehlakoreng le leng bahoebi ba lla hape ka kabo ea mangolo hobane ka nako e 'ngoe motho a le mong o fuoa mangolo a likoloi tse ngata, 'me seo se sitisa khoeboboto le potoloha ea moruo. Ba re ho lokela ho be le taolo le ponaleto, e leng se tla thusa ho fokotsa sephethe-phethe sena se Maseru haholo nakong ena ea matsatsi a Kerese-mese.

Barali ba Pelo e Tlotlehang ba ile ba etela bakuli le maqheku ba Kopano ea Maoblata a Maria ea se nang Sekoli, 'me ba ba fa limpho. Ketso ena ba re ke ho leboha mosebetsi o entsoeng ke bahlanka bana ba Morena nakong eo ba neng ba le mafolo-folo. Le sebelitse haholo Barali ba Pelo hobane ha se bohle ba tsebang ho leboha ha ba ile ba fumana thuso, hape maqheku le maqhekoana a lebalaha hangata ebe a ikutloa a se a se na thuso ho hang empa ba itetse le mesebetsi ea bona e bonahala.

Mazenod BOOK CENTRE
Please visit us for the Lord

Tel: 27 350 562
WhatsApp: 5812 7815
maserubookcentre@gmail.com
bookcentre@mazenodprinting.co.ls




MON-FRI: 08:00- 16:30
SAT: 08:00- 12:30

Church Requisition

Phakoana Ts'oana


Your Partner in Education Excellence!



Available Now!
Visit us or contact us to secure your copy.

Make 2025 a year of success with our products

Invest in your child's education today



Tse ling li hloka tšehetso

Kajeno ke sheba tšehetso e fanoang ke boto ea sekolo le e e fuoang. Ha ngata ho feta ha nyane, kamor'a hore litho tsa boto li khethoe li be li ananeloe ka lengolo ke Letona la Lekala la Thuto le Koetliso, e ba ho felile. Ho fela joalo litho tse ngata kapa litho tsohle tsa li sa tsebe hore na li lebeletsoe ho etsa eng, joang. Ha ho tataiso eo ba e fuoang, ba se ba utloa ka Mosuo-e-Hlooho eo e leng mongoli oa boto hore na ba lebe Bochabela kapa Bophirima. Boemo bona ba sitisa tsoelopele ea sekolo.

Ha ke tsebe hore na ke Ofisi ea Mongoli oa Likolo kapa ea

Mongoli e Moholo oa Lekala la Thuto le Koetliso e tšoanelang ho tšehetsa litho tsena ka tsebo ea mesebetsi eo ba lebeletsoeng ho e phetha. Tsebo ke leseli. Litho tse nang le leseli la mosebetsi oa tsona li monyetleng oa ho tšehetsa sekolo ka mekhoha e fapananeng. Empa litho tse khasang har'a lefifi, nako ea tsona ea mosebetsi e fela ba sa etsa sekolo letho. Kotsi e 'ngoe ea litho tse tsamaeang ka lefifi, ke hore li ke ke tsa hanyetsa Mosuo-e-Hlooho kapa tsa hanyet-

sa Molula-Setulo oa tsona le moo a ba lebisang selomong. Ke se ke ile ka bona sekolong se seng sa mathomo ka har'a toropo ea Maseru, moo Molula-Setulo a neng a iphetotse Mosuo-e-Hlooho ea sekolo, joale ho se setho se mo thibang hobane li ne li sa tsebe.

Ka lebaka lena ho bohlokoa ho tšehetsa litho ka tsebo ea boikarabelo ba tsona, hore li tsebe ho tšehetsa sekolo ka mekhoha e mengata.

'Mabathoana Khotle

Moeletsi oa Basotho

MOELETSI oa BASOTHO



@oaBasotho

WhatsApp +266 680 78 124

Moeletsi oa Basotho

To advertise with us, please contact:

Tell: (+266) 2835 0466

Email: advertsmoeletsiobasotho@gmail.com

1

Sesotho Newspaper in Lesotho

Contacts: +266 28350 466 / 6260 0983 (Whats app)
Email: moeletsiobasotho@gmail.com

MOELETSI oa BASOTHO
A LOKBETSE MORENA SECHABA SE PHETHELENG (LUKE 1:17)

Editorial

Lesoetsa Rakubutu (Editor)
(+266) 58490670 / 62031949
editor@moeletsiobasotho.co.ls

Lehlohonolo Mohale (Sub-editor)
(+266) 58 771 507 / 62 771 507
subeditor@moeletsiobasotho.co.ls

Advertising

Thabo Lesaana
(+266) 28 350 466/ sales@moeletsiobasotho.co.ls

Newsroom

Nthabeleng Seithleko 57 665 038/ 68 216 721
nthabeleng.seithleko@moeletsiobasotho.co.ls

Tšeliso Thakholi (Sports) 58 540 853/ 63 480 404
tseliso.thakhuli@moeletsiobasotho.co.ls

newsroom@moeletsiobasotho.co.ls

Production Desk
'Mateele Liqa

Baphatlalatsi ba basali ba tlokotsing ea tthekefetso

Nthabeleng Seitlheko

Mokhatlo oa Paballo ea Bophelo, o phura leshoetla le basali bophatlalatsing, le ho ba thakela ka malebela a ho nena tthekefetso haholo nakong ena ea ketekelo ea matsatsi a 16 a ho nena tthekefetso khahlanong le basali le bana. Litaba tsena li hlaheletse thupelong ea matsatsi a mabeli e tsoaretsoeng basali ba baphatlalatsi, ho tloha ka la 9 ho isa la 10 Tšitoe monongoaha.

Mookameli oa Mokhatlo ona Pascalinah Kabi, oitse basali ba baphatlalatsi pele e ba baphatlalatsi ke karolo ea sechaba, ba na le malapa, 'me b'a hlekefetsoa joalo ka basali bohle, ka hoo ba lokela ho itseba, ba ipuelle kaha ho bonahala e le batho ba lebahileng hore le bona ke karolo ea basali ba hlekefetsoang.

O re ke nakong ena ba kopang basali bophatlalatsing ho tšohla litaba tse ba amang le ho tlaheha lithekefetso tsohle

molemong oa hore ba sebe-tse ka bolokohi, 'me ba boloke bophelo ba bona bo sireletsehile ka linako tsohle.

Kabi o re ha baphatlalatsi ba phetse hantle ba tla tseba ho kenya letsoho kholisong ea moruo oa naha, hape e tla ba karolo ea sechaba e phamolelang litaba holimo hobane ba sireletsehile, ba tseba litokelo tsa bona le ho tseba mekhoha e nepahetseng ea ho itšireletsa.

'Malisema Mahloane ho hlahisa Koranteng ea Informative, o hlalositse hore ba tsoa hole le bophatlatsi, 'me ba ne ba sa nahene hore pampiri e tla fela, ho sebelisoa marang-rang ka hoo taba ena e boima. A re ho bohloko ho bona basali ba baphatlalatsi ba lla, ba bona ba sa hlokomeloe, empa ha ba ka ema ka maoto ho sireletsa bophatlalatsi bona, ba tšehetsana ka litsela tsohle, ba tla holisa talenta ha e na ho timela le bophatlalatsi.

A re baphatlalatsi ba hopole hore bohle ba boloke bophatlalatsi sebakeng sa Naha ea Lesotho kaha seo se ba thusa hore ebe ba thusa naha ho tsoelapele. O re ba bona liphoso tseo ba li entseng ka hona ba phahamisane ba tsoarane ka matsoho, kaha bophatlalatsi



bo tla shoa matsohong a bona le ho koetloa ba ntse ba le teng.

Mothehi e bile e le Mookameli oa Mokhatlo oa Basali ba Baphatlalatsi 'Marafaele Mohloboli, o itse baphatlalatsi ba itloaetse ho tlaheha lithekefetso le ho se ikoalle ka litaba tse ba etsahallang hore ba tsebe ho fumantšoa thuso. O tseba kamoo bohloko ba basali ba baphatlalatsi ba nang le litsebo le bohlale empa ka lebaka la maemo a tikoloho tsa moseb-

etsing moo ba sebetsang, ba sa atlehe ho iphelisa ka litsebo tseo.

A re ke bothata le ho se fumane moputso, ka hoo ke nako ea hore ba eme ka maoto ba itoanele le ho itšireletsa khahlanong le tthekefetso ea ho se fumane meputso e phelising. A re bohle ba nke boikarabelo ba ho bona hore ba fumana bophelo kahar'a mesebetsi ea bona le ho loanela litokelo tsa bona.

E mong oa baphatlalatsi

thupelong ena Kabelo Setsoto, o re Mekhatlo e Ikemetseng e lokela ho tataisa baphatlalatsi ka mekhoha e nepahetseng ea ho tlaheha tthekefetso haholo e ba etsahallang mosebetsing hore ba tsebe ho boloka mesebetsi ea bona, hape ba be le sebete sa ho ipuella.

A re bohloko ba baphatlalatsi b'a hlekefetsoa leha ba il'o batla litaba ba tšaba ho bua litaba tseo kaha joale nako le nako ba iphumana e le bona ba buellang sechaba.

Toantšō ea HIV/AIDS e na le ponaletso-Motlotlehi

Nthabeleng Seitlheko

Motlotlehi Letsie III o re leeto la ho fihlela liphelelo tsa machaba, toantšong ea lefu la HIV/AIDS ha le'a ba bonolo empa seo ba se fihletse ka lebaka la lerato le tšehetso ea Basotho. Litaba tsena li hlaheletse ketekelong

ea Letsatsi la Machaba la HIV/AIDS, ka la 5 Tšitoe monongoaha.

O re Mosotho oa pele oa ho fumanoa a e-na le tsoaetso ke ka selemo sa 1986, 'me ka nako eo ho ne ho le thata linaha tsa Afrika le Lesotho li se na tsebo ka lefu lena, empa ha joale hore tsela e lebisang Naha ea Lesotho leetong la 2030 ea bonahala 'me lilemo

tseo li tla fihla naha e hlotse lefu lena.

A re ho bohloko hore bohle re mamellane, re tiisetse re tsebe ho fihlela se hlokalang, leha ho le joalo ba tsamaee leeto lena ka sebete ba ntse ba hlomphe litokelo tsa batho ba bang.

A re ha bohle ba ka nka bohlale le mamello methoeng ea Morena Moshoeshoe I ea

neng a tseba ho nena khethollo, ho hlomphe litokelo tsa batho bohle le ba hloakang, bophelo bo tla natefela bohle le litšebeliso e tla ba tse mofuthu.

E mong oa bacha ba nang le tsoaetso Lerato Thoahlane ea lilemo li 35 ea nang le lilemo tse 20 a phela le kokoa-hloko ena, o hlalositse hore tsoaetso pejana e ne e le sek-hobo, ha joale litaba tseo li felile Basotho ba se ba tšehetsana le ba malapa a bona. A re litšebeliso li se li le monate kaha batho ba se ba sa ee setsing hangata le ho ngola mabitso a bona mabokoseng empa ba se ba bolokeloa lekunutu le nako.

O leboha 'Muso oa Lesotho hore ebe ba ntse ba fumana litlhare tsena ke ka mohau kaha linaheng tse ling e le bothata, ka hona a etsa boipiletso ho bohle ho hlahloba ka nako le ho ba lithareng kaha lefu lena le ntse le le teng.

Lebitsong la batho ba phelang le tsoaetso, Ntebaleng Thetsane ho hlahisa LE-NEPHWA, o itse litšebeliso litsing li ntlafetse leha ho e-na le batho ba ntseng ba sa fu-

mane litšebeliso tse mofuthu, ka hooba thoholetsa Lekala la Bophelo ka leano la hore batho ba fumantšoe lithare kamor'a nako e telele ho qoba hore batho ba nyahlatse lithare ka lehare.

O re sena se ba thusitse kaha ba khona ho nka nako e telele ba le mesebetsing, leha ho le joalo ba angoa haholo ke tlala, phetoho ea leholimo le tlhokahalo ea mesebetsi hoo batho ba bang ba sa noeng litlhare ka nepo.

Moemeli oa UN Lesotho Amanda Khosi Mukwashi, o supile hore lefatšeng ka bophara ke bonyane batho ba 30,000 ka selemo sa 2023 ba nang ba sa fumane litšebeliso tsa bophelo hantle, ka hona ba rata ho tlosa sek'hobo, ho bana, basali le ho khotlaetsa litšebeliso tse ntlafetseng tsa bophelo bo botle ba sechaba.

A re batho ba lokela ho boloka litokelo tsa batho bohle, ho sebelisa mantsoe a sa neneng ba bang empa ba tšehetsa bohle hore ba be monyetleng oa ho fumana lijo le ho iphumana ba lokolohile ha ba bua ka tsoaetso HIV/AIDS.

Mohoo oa selemo sena ke, "nka tsela e boulelang litokelo tsa bohle toantšong ea HIV."



RE TŠEHETSA BACHA

Tšeliso Thakholi

Kajeno koranta ea Moeletsi oa Basotho e laka-litse hore e ke e tl'o qoqa le e mong oa bacha ba matlafetseng haholo ka lebaka la ho ba le boitšepo holima ntho eo a e etsang, e leng ho etsa likuku ka mefuta ea tsona. Hanga-ta boitšepo ba motho holimo ntho eo a e etsang bo matlafatsa le ho holisa talenta ea mofuta ofe kapa ofe. Eena ke Lefulese Lesenyeho ea tloaelehileng haholo ka lebitso la 'Malikuku, ho latela mosebetsi oa hae o tsoileng matsoho oa ho pheha le ho rekisa likuku tse monate ka ho fetisisa. E boetse hape ke sebakali sa papali ea kalaneng.

Nalane ea bophelo ba hae Lefulese Lesenyeho ea lilemo li 22 eo e leng sebakali sa papali ea kalaneng ebile ele mohlalisi le 'makhoeba ea ntseng a hola oa likuku, o hlahetse Malealea Seterkeng sa Mafeteng, a kena Sekolong sa Mathomo sa Lehaheng, Ha Tebelo. A nt'o fetela ho se Mahareng sa St. John. A boela a fetela ho

se Phahameng sa Qoaling, Maseru ho phethela Forumo ea Bone le ea Bohlano.

Qaleho ea mosebetsi Kamor'a hore ke hlolehe ho ea likolong tsa thuto e phahameng ka lilemo tse peli tse latellanang, ka lebaka la ho se sebetse hantle ho tse ling tsa lithuto tsa ka, nakhong eo ke neng ke lula le ausi oa ka e leng Khauhelo Qobacha, ke ile ka ithuta tse molemo ho eena. Ke eena ea ileng a kenya moea oa lerato la ho ba mohlalisi oa likuku ka ho 'na. Ke rata ho mo leboha ka tsela e khethileng hoba ke seo ke leng sona ka lebaka la hae. Kamehla ke ne ke atisa ho mo shebella h'a etsa likuku. Ka letsatsing le leng ka tleloa ke mohopolo oa hore ha ke lokele ho lula feela, e be ke kobile linala ho se letho eo ke le etsang. Ka lerato le ka thuso le litsebo tsa hae a mpha letsoho kahare ka ho nthuta ho pheha likuku ka mefuta ea tsona. Ka lebaka la ho ba le boitšepo ke sa sheba hore na batho ba tla re'ng, ka qala ho pheha likuku tse monate.

Mokhoa o mong oo ke neng ke ithuta ho pheha likuku ke ho shebella, mekhoebo

fapakaneg ea ho pheha ho marang-rang e le ho matlafatsa litsebo tseo a ntseng a ntlahlalla ka tsona.

Ausi Khauhelo h'a se a hlo-

kisa likuku e le ho qoba ho sotleha kaha mesebetsi e le sieo. Le kajeno o ntse a ntšehelitse ka matla a maholo ho bona hore khoebo

M250.00. Motho h'a li ba tla o etsa kopo ho latela palo ea likuku tseo a li batlang, ebe o lefa bonyane halofo ea palo eo a e batlang, e



Lefulesele Lesenyeho.

kometse hore ke na le lerato la mosebetsi ona, o ile a nkhothatsa haholo, 'me ka qala khoebo ea ho re-

ea ka e'a hola.

Thekiso

Pele ke rekisa ke ile ka qala ka ho utloisa baahisane, ha ke qeta ho pheha hore ba ntšoea liphoso ho fihlela ke etsa qeto ea ho etsa lipapatso ho marang-rang tse bontšang hore ke rekisa likuku ka bongata. Ka atleha ho fumana bareki ka bongata. Ho tloha ka nako eo ke ile ka ithuta hore tlhoko ea batho ba batlang likuku e kholo haholo.

Ke qalile ho rekisa likuku ngoahola ho fihlela kajeno. Bareki ba ile ba nthusa haholo hobane ba ile ba ntšoea liphoso, 'me le 'na ka ba mamela. Ke rekisa likuku ka bonngoe le ka bongata. 5L ke M60.00, 10L ke M130.00 ha 20L e le

be ke mo phehela tsona ka makhethe a maholo.

Likatlheho

Ka mosebetsi ona oa ka oa ho pheha likuku bophelo ba ka bo fetohile haholo kaha ke se ke atlehile ho phelisa lelapa leso, ho lefa bolulo moo ke lulang le ho arabela tse ling tsa litlhoko tsa bophelo tsa letsatsi ka leng. Le ho ja ho ntse ho e-na le hore ka linako tse ling khoebo e se ke ea tsamaea hantle.

Keletso ho bacha

Bacha e bang le boitšepo le be motlotlo ka litalenta tsa lona, ho sa tsotellehe hore na ke tsa mofuta ofe. Le se ke la ba lihlong ka litalenta tsa lona ka lebaka la ho tšaba hore batho ba tla le tšeha. Ba tla le etsetsa'ng? Molimo a le atlehise bohle.



Listen To Us Here

Mafeteng
Mohale's Hoek
Qach's Nek
Quthing

Maseru
Berea
Leribe

Mokhotlong
Thaba Tseka
Butha Buthe

www.bokamoso974.co.za

Likopo li buletsoe

Nthabeleng Seitlheko

Ele ho arabela sello sa nako e telele sa tlhokahalo ea mangolo a likoloi tsa baeti le tse nkang bana ba likolo, Lekala la Lipalangoang le tla potoloha le litereke tsa Maseru, Mohale's Hoek le Leribe, hore ba nang le khahleho ba etse likopo. Tsena li hlapeletse 'mokeng oa bo-ralitaba oa la 9 Tšitoe monongoaha.

Setho sa boto ea lipalangoang Mothabeng Khopotso Lechalaba, o hlalositse bohlokoa ba hore bahoebi ba likoloi ba kene tseleng ka tumello ba e-na le mangolo e le ho kenya letsoho kholong ea moruo ho matlafatsa khoebo eo le ho e fa seriti. Litaba tsena li et-sahala tjena kamor'a hore 'muso o ntše phatlalatso ka khoeli ea Pulungoana monongoaha e supang ho qaleha ha tšebetso eo.

O re phatlalatso ena ha e se e tsoile tjena sechaba se ka qalella ho etsa likopo, ba etela liofisi tse haufi ho utloa hore lithoko ke life sebakeng sa ho fumana mangolo. A re beng ba likoloi tsa baeti ba lokela ho etsa likopo tsa tumello ea ho hoeba



Mookameli oa Lipalangoang Dr. Khothatso Tšooana.

mebileng kaha ho ntse ho e-na le libaka tse ngata tse se nang likoloi tse mpang li ne li e-s'o buleloe ho sebet-sa libakeng tse joalo.

O itse hore likoloi li tsamaee sebakeng ho lokela ho be le tumellano e fanoang ea tšebetso ea likoloi

kaha e le boikarabello ba bona ho bona hore likoloi li sebetse ka molao.

Mookameli oa Lipalangoang Dr. Khothatso Tšooana, o hlalositse hore Basotho ba hopole hore libaka tsa Leribe le Mohale's Hoek li tla pakahatsoa ke lipalo-palo

hore ba hloka ho ekeletsoa likoloi, 'me ha joale Maseru e tšoare bothata kaha litopo li tletse, le likoloi li paka le libakeng tsa moo tse ling li pakang teng. Ka hoo o re ba bone hore ba lokela ho sebetse taba e'o ka matla.

Le taba ea hore baqhobi

ba likoloi tse nkang bana ba likolo ba ntse ba etsa mosebetsi ho se mangolo, le eona o re ba t'l'o sebetšana le eona. A re ho bonahala tšubuhlellano e holimo ea likoloi kahar'a Maseru, haholo nakong ena ea Keresemese 'me ba lokela ho tla ka maoala a hore ba lokisetsa joang ho hlola boemo boo, ka lebaka lena ba tla tšoarana ka matsoho le mafapha a sebetšanang le litaba tsa tseleng ho fihlela tharollo ea moshoelella

Ka lehlakoreng le leng, Molula-Setulo oa Mokhatlo oa Bahoebi ba Likoloi(MR-TO) Mokete Jonase, o thohelitse lekala ka ho bulela likopo hore Basotho ba tsebe ho hoeba ka molao le ho lefa lekhetho. A re taba eo e lokela ho sebetsoa ka botšephe e le hore batho bohle ba fumane mangolo etsoe re phela nakong ea tlhokahalo ea mesebetsi. A re ho makatsang e bile e le taba e lokelang ho sebetsoa ke ea motho ea fuoang mangolo a likoloi tse ngata a le mong. A re hoo ho sitisa kholo ea khoebo le ntlafalo ea eona.

A re tsamaiso ea likoloi tsa tseleng molemong oa ponaleto e lokela ho tsamaisoa le ho laoloa ka melao ho hlola phallo e holimo ea sephethe-phethe le hore khoebo e be ea boleng bo phahameng. O re ba lekile ka hohle empa ba tla tsoelapele ho thusa hore maano a tsamaisang khoebo ena a be teng 'me a sebelisoa.

'Muso o ntlafatsa maliboho



Letona la Mesebetsi e Mesebetsi ea Sechaba Mohl. Matjato Moteane.

Nthabeleng Seitlheko

Ele ho kenya letsoho kholong ea moruo oa naha, Lekala la Mesebetsi e Meholo ea Sechaba ka kopanelo le Banka ea Lefatše li kene

morerong oa khaho ea tselala e kopanyang Katse le Setereke sa Thaba-Tseka. Tsena li boletsoe ke Letona la Mesebetsi ea Sechaba, Mohlomphehi Matjato Moteane, ka la 9 Tšitoe monongoaha.

O re lekala la habo le kene

tšebetsong ea ho bona hore khokahano ea litsela e ba e bobebe e tla nolofatsa motsamao oa Basotho ho tloha sebakeng se seng ho ea ho seng le ho tsamaisa thepa habonolo ho nolofatsa khoebisano le ho kenya letsoho kholong ea likhoebo.

A re khaho ea tsela ena e t'l'o tsoalla Basotho le bahoebi namane e tšehali kaha e tlo ba molemo, 'me tebello ke hore morero o kene tšebetsong ka khoeli ea Phupu isao. O re ba boetse ba na le morero oa ho lokisa tsela e tlohang Leribe ho leba Maseru 'me eona e tšehelitsoe ka \$60Millione.

O itse ba tla tšoara ka thata ho bona hore Lekala la Khoebo le matlafatsa leliboho la Maseru, Qacha's Nek le Maputsoe hore motsamao o tle o be bonolo le khoebisano lipakeng tsa linaha tsena e tsamaee ka thello, ha boemong ba temo ba tla bona hore ho ahoa litoro tse nang le lihatsetsi tsa boleng molemong oa ho boloka tlhahiso ea Basotho ea lijo, Maseru le Qacha's Nek. Morero o lebeletsoe ho fihla pheletsong kamor'a lilemo tse hlano.

Moemeli oa Banka ea Lefatše Lesotho Dinara Djoldosheta, o hlalositse hore khokahano ea litereke e bohlokoa ho Naha ea Lesotho le linaha tsohle kaha

e nolofatsa mokhoa oa motsamao, e thusa ho matlafatsa khoebisano le moruo oa naha ho hola ka potlako. A re ho boetse ho tla thusa bahoebi ba ikemetseng ho ntlafala khoebong ba sa nke maeto a matelele ho fihla libakeng tseo ba fumanang thepa ho tsona.

E mong oa bahoebi ba rekang thepa Afrika Boroa le ho e fetisetsa libakeng tse ling kahar'a naha 'Mamonteli Lebabo, o bontšitse hore e le bahoebi ha mokhoa oa ho nka maeto o le boima likhoebo tsa bona li'a ameha hobane ho fihla libakeng ho ba thata hoo le tšenyoe ea thepa e bang teng.

A re ba leboha 'Muso oa Lesotho ka khaho ea litsela tse kopanyang litereke kaha ho tla ba thusa ho nolofalloa le ke ho fihla Afrika Boroa, ba sebelisa litsela tse ngata. A re ho t'l'o matlafatsa moruo le ho theha mesebetsi kahar'a naha. O itse khoebo ea bona haholo e ka lithabeng e'a kikitlala ka lebaka la ho angoa ke mae-mo a tlhokahalo ea litsela 'me sechaba se qetella se sia metse se tla Maseru hobane ba hloka litšebeliso.

Se ba le tšepo ho sepolesa

Nthabeleng Seithleko

Mokhatlo oa Sesotho Media ka Kopanelo le Sepolesa sa Lesotho, ka tšehetso ea lichelete ho hlaha European Union, o ketekile Letsatsi la Machaba la Litokelo tsa Mantlha tsa Botho ka ho fana ka tlaleho le maputulo a entsoeng ho sechaba le sepolesa tšireletsong ea Litokelo tsa Mantlha tsa Botho. Tsena li bile ka la 9 Tšitsoe monongoha.

le sechaba feela le bona ba eelletsoe moo ba lokelang ho itokisa teng ho hlomphe litokelo tsa sechaba. A re e bile leeto le letle le matlafatseng ho fihlela boemo bona, kaha ba tseba hore na ba lokela ho etsa'ng ho sireletsa Basotho.

O re sepolesa se lokela ho fetoha tšireletso le tšepo ea sechaba ka linako tsohle, 'me bohle ba nke boikarabello ba ho ba baalosi ba tlhomphe ea Litokelo tsa Mantlha tsa Botho katlehisonong ea ho hlola litlolo tsa molao le litlamorao tsa litaba tseo.

A re ha joale ba thabile kaha ba utloile hore sechaba se boetse se na le tšepo ho sepolesa, hobane ke boikarabello ba sepolesa ho sireletsa sechaba le ho boloka melao e se tsamaisang le ea machaba.

Mongoli e Moholo Lekaleng la Sepolesa Johann Mosia, o itse lintho tse ngata le tsa litokelo re ka li hlola ha re le 'moho, 'me ha joale ho ketekoa lilemo tse 40 tsa selekane sa ho sireletsa Litokelo tsa Mantlha tsa Botho (UN declaration on Human Rights) ka hoo bohle ba hlomphe Litoke-



Mookameli oa Sesotho Media 'Mamolefe Petlane.

Mookameli oa Sesotho Media 'Mamolefe Petlane, o hlalositse hore Litokelo tsa Mantlha tsa Botho li lokela ho hlompheha, ka hoo batho bohle ba nke boikarabello ba ho bona hore ba utloisisa litokelo tsa bona le ho tseba hore na li tloha kae li fella ho kae. O re letsatsi lena le hopotsa motho e mong le e mong boikarabello ba hae ba ho hlomphe litokelo.

O re ba atlehile ho aha likamano tse ntle lipakeng tsa sepolesa le sechaba, hore toka e ajoe ho sa hatikeloe litokelo tsena. A re ba atlehile ho rupela sepolesa le sesole ka litokelo tsena le molao hore ha ho ajoa toka ho se be le likhohlano kapa litokelo tse hatikeloang.

O bontšitse hore mohato ona o tsoetse sechaba se boulelang toka, le ho boela se tšepa sepolesa, 'me likhohlano li ile ka 'moho ka hoo ba motlotlo ke taba eo e tla matlafatsa kabo ea toka ka hohle-hohle ho se ea utloisitsoeng bohloko.

Lebitsong la Sepolesa Dr. Mahlape Morai, o bontšitse hore lithupelo tsena ha li ea tiisa maqhama a bona

Moemeli oa European Union Lesotho Paola Madei, o hlalositse hore Letsatsi la Machaba la Litokelo tsa Mantlha tsa Botho ke boikhopotso le boitekolo ba hore na naha e boemong bofe le sechaba ka bo-sona na se tseba litaba tse joang ha kae. O re ho bohlokoa ho li sireletsa kaha ho thusa ho felisa lintoa le likhohlano lipakeng tsa sechaba.

le tsa Mantlha tsa Botho e le ho nena litaba tsa khatello, ho utloisisa ba bang bohloko le tšekefetso.

Litho tsa Sepolesa li ile tsa fuoa mangolo le likhau ka ho ipabola tšebetsong ena. Letsatsi la Machaba la Litokelo tsa Mantlha tsa Botho le ketekoa selemo le selemo e le karolo ea ho khothaletsa khotso le poloheho kahar'a sechaba.



Moemeli oa EU Lesotho, Paola Madei.

Paki e keteka letsatsi la HIV/AIDS



Tšeliso Thakholi

Setsi sa Kokelo sa Paki se ketekile Letsatsi la Machaba la Lefatše la Toantšo ea HIV/AIDS, ka la 6 Tšitoe monongoha tlasa mohoo o reng, "Ho tšehetsa le ho potlakisa khatelo-pele mabapi le HIV, e leng bopaki ba khatelo-pele e ntsoeng ea HIV ea thibelo, kalafo le tšepiso ea ho tsoelapele ka boikitlaetso ba rona bohle ho araba lithoko tse lulang li fetoha ho batho ba HIV/AIDS."

Litšebetso tsa mokete ona o ileng oa simolla ka mohoanto o ileng oa thakhoha haufi le Sekolo se Phameng sa Masianokeng, li ne li tsoaretsoe mabaleng a Paki Health Centre, Mazenod. H'a hlalosa sepheo sa keteko ena, Mookameli oa Setsi Sr. Julia Nkunyane o itse malebela ao sechaba se a fumaneng letsatsing la kajeno, mabapi le HIV/AIDS e se e le ho ntlafatsa holima moo se seng se ntse se tseba ka lefu lena, 'me mosebetsi oa bona e se le ho anetsa molaetsa ho bona ha ba filha hae.

A re se ileng sa mo qholotsa ho keteka letsatsi lena koano Setsing sa Paki ke hobane a ne a hlokometse hore lipalo tsa batho ba tšeroeng ke lefu lena li ntse li nyoloha letsatsi ka leng, "haholo-holo Setsing mona ke hona moo ke hlokometseng hore re ntse re e-ba le batho ba bacha, 'me re ntse re fumana litšoaetso tse ncha nako e kholo le e nyenyane."

A bontša hore ba ile ba bona ho le bohlokoa hore thuto e 'ne e fanoe e le hore batho ba tsebe ho ipaballa khahlanong le HIV/AIDS. A ipiletsa ho sechaba ho bua ka lefu lena khafetsa, ba se ke ba le nka e le ntho eo ba seng ba ntse ba e tseba. "Re nke nako eohle e ka re bua ka ntho e ncha, e le hore re tle re tsebe ho ba-

balla bophelo ba sechaba." Ke Sr. Nkunyane eo.

H'a fana ka puo ea hae lebitsong la baoki Mofumali Resatšepile Qekisi o boletse hore ho bonahala matsatsing ana re se re batla re lebala hore HIV/AIDS e ntse e le e 'ngoe ea mafu a ntseng a le teng. "Kea khofo ka lebaka la lintho tse kang mofetše le lefuba re bonahala e ka re se re tlositse mahlo a rona ho HIV, re se re shebile tsena tse ling." O boletse joalo a bile a eketsa ka hore ho tloha mathoasong a Pherekhong ho isa ho Pulungoana ke batho ba 118, ba fumanoeng ba e-na le tšoaetso ea HIV ba seng ba qalile ho noa litlhare tsa li-ARV selemong sena. "Hona ho re ho rona HIV e ntse e le teng bo-'m'e le bo-ntate, 'me ho ntse ho e-na le batho ba bacha ba ntseng ba fumanoa ba e-na le litšoaetso tse ncha letsatsi ka leng." A rialo.

A re mabaka a mangata a fapakana a etsang hore litšoaetso li bonahale li phahama, 'me kahara batho bana ba 118 ba bacha ba babeli ke bana ba ka tlasa ho selemo ba nang le HIV ba tliho hola ba se ba ntse ba e-na le eona. "Monyetla oa hore ba tliho tšoaetsa ba bang ha ba ntse ba hola o holimo haholo." A rialo a bile a ipiletsa ho sechaba ho tsoelapele ho ipeha leseling ka litaba tsa HIV. A tiisa hore setsi se buletsoe batho bohle ho tla fumantšoa tlhabollo ka mekhahlelo e fapakaneng.

E mong oa batho ba phelang le HIV/AIDS, Mofumali 'Mammetso Letsoela o ipilelitse ho batho bohle ho se nene batho ba lefu lena kaha e ntse e le batho joaloka bona. "Ntho ena ke ntho e monate re phela le eona. Lefu lena ha le ee holimo le tlase joaloka mafu ana a mang, empa uena o le monga lona oa le laola ka hore fela u noe litlhare tsa hau ka nako." A etsa tlhokomeliso ho bohle ho itšepahalla ho noa litlhare tsa bona.

Baithaopi ba 25 ba hlapantšoa

Nthabeleng Seitlheko

Baithaopi ba 25 ho hlaha Naheng ea Amerika ba hlapantšitsoe, ho tla kenya letsoho ntlafalong ea litšebeliso tsa bophelo, thuto le ho sebetsa 'moho le sechaba. Litaba tsena li bile, ka la 10 Tšitoe monongoaha.

Ke bonyane baithaopi ba kaholimo ho 2000 ba seng ba entse mapotulo le menyabuketso mosebetsing ea ho ntlafatsa moruo, thuto le ho akofisa litšebeliso tsa bophelo. Taba ena e suptjoa e le mohato o moholo oa ho tiisa khotso le maqhama a linaha.

Moemeli oa Baithaopi ba Amerika Randa Wilkinson, o hlalositse hore baithaopi bana ba tla anela naha ka bophara, ba sebetsa ntlafalong ea thuto ea mathomo le e phahameng, litaba tsa bophelo, temo le tikoloho.

O re ba boetse ba tla etsa mesebetsi ea naha e tla thusa ntlafalong ea litšebeliso ba sebetsa 'moho le sechaba sa Basotho ho tseba ka bochaba le ho hokahana 'moho.

Lebitsong la baithaopi bana Daniel Metzger, o bontšitse hore lilemo tsena tse peli tseo ba tl'o sebetsa 'moho le sechaba ho bona ha se ho matlafatsa naha feela empa le bona ba khola litholoana tse molemo, litabeng tse kenyeletsang puo le bochaba. O itse ba utloa ba amohelile, ka hona ba tl'o sebetsa ka thata ho bona sechaba se una molemo litseboeng tseo ba nang le tsona.

Letona la Ntšetsopele ea Sechaba, Mohlomphehi Pitso Lesaona, o supile hore 'Muso oa Lesotho o thoholetsa tšebetso ea baithaopi bana ka le reng mapotulo a bona ke a bonahalang haholo litseboeng tsa marang-rang leha naha e ntse e tataea, ba tšehelitse naha ka ho matlafatsa litaba tsa tšebeliso ea matla a letsatsi hape ba boetse ba tlišitse tšepo ho sechaba le litichere.

Letona la tsa Machabeng Mohlomphehi Lejone Mpotjoane, o itse mokhahlelo oa pele o ne o qale ho ba kahar'a naha ena ka selemo sa 1967, ha tumellano e ne e be ka 1961, ka hoo ba motlotlo hore boteng ba bona bo fetotse bophelo ba



sechaba le ho atlehisa ho felisa litaba tsa ho nenoa. O re mosebetsi o motle oa bona ke taba e molemo ho naha le likamano tsa linaha.

Motlotlehi Letsie III o lebohile baithaopi bana ka lerato le mamello ha ba ea ba lebane le ntlafalo ea sechaba kakaretso. A re ha' na qeaqeo ea hore maqhama a naha ea Amerika le Lesotho a tla lula a ntlafetse ho feta mona.

H'a phethela o thoholelitse Basotho ka lerato leo ba nang le lona ho batho bohle ba sa nene mehlobo e meng, ba ananela tšebetso ea bona. A re taba eo ke sesupo sa hore Basotho ke sechaba se nang le khotso. Sehlopha sena se nkileng kano ke sa bo-92.

UN e pepesa litalenta tsa ba nang le bokooa

Nthabeleng Seitlheko

Ele ho matlafatsa litaba tsa boipheliso le tlhahiso, 'Mamekhatlo oa Batho ba nang le Bokooa (LNFOD) o khakotse morero oa 2024-2026 oa Lefedi, o reretsoeng hore batho ba nang le bokooa ba hlahise lihlahisoa ba sebelisa tapole. Litaba tsena li bile ka la 6 Tšitoe monongoaha, Mapatlelong a Machaba a Kopaneng (UN).

Moemeli oa UN Lesotho Amanda Khosi Mukwashi, o supile hore ba entse mesebetsi oa ho keteka Letsatsi la Machaba la Batho ba nang le Bokooa ka hore le bona ba pepese litalenta tsa bona litabeng tsa tlhahiso, 'mino le tse ling kaha e le batho ba lebalang boholo ba nako. O re lefatše le lokela ho

ba hlahisa ba tsebahale ka mesebetsi eohle ea bona.

A re taba ea ho kenyeletsa batho bohle ho ea ka lipehelo tsa Ntšetsopele ea Moshoelella (SDGs), haholo ea 10 e khotlaetsang hore batho bohle ba kenyeletsoe litabeng tse ba amang, ha ba ea lokela ho e bua feela e le mebuso empa e bonahale ka liketso. O itse 'Muso oa Lesotho o tsoanela ho tsoarana ka matsoho le UN, ho loanela litokelo tsa batho ba nang le bokooa le ho fana ka tšepo ho batho bona.

H'a tsoelapele o itse morero oa Lefedi o bontšitse hore batho ba nang le bokooa ba na le mahlale ohle a ho phela, ho itšireletsa le ho loantšha tlaa e tjametseng malapa a bona. O re ka morero ona o qholotsa likhoebo tsohle tse ikemetseng le mekhatlo

ea machaba, ho sebetsa 'moho ho bona hore lihlahisoa tsa batho ba nang le bokooa li ba boemong ba machaba kaha e le tsa bo leng bo holimo.

"Ke nako ea ho matlafatsa batho ba nang le bokooa hore ba phele tikolohong e bolokehileng." Ke Mukwashi eo

E mong oa bahlahisi ba motoho ka tapole Keneuoe Rakoebu, o bontšitse a e-na le thahasello ea ho bona khoebo ea hae e anetse hohle, kaha ho ba le bokooa e se bokulo ke kahoo a lekang sohle ho bona hore o iphelisa ka boqapi ba hae. O re sohle se khonang ho etsoa ke batho ba bang le eena o atleha ho se etsa.

O supile a hloka ho fumantšoa tšebetso ea chelete hore khoebo ea hae e pharalle e tsejoe ke batho bohle le hore lihlahisoa tsohle li

fumanehe naha ka bophara. A re motoho ke seno se ratoang ke Basotho le baeti ba tsoang ka ntle ho naha, ka lebaka lena sena se thusa hore moruo oa naha o hole le khoebo tsa bona li matlafale kaha ba tseba hore na 'maraka oa bona o shebile hokae.

O ipilelitse ho batho ba nang le bokooa ho ema ba iketsetse, ba se fetole matsoho masoto e le hore ba tsebe ho phela joaloka mang le mang ntle le ho lula ba hauheloa.

Mookameli oa 'Mamekhatlo oa Batho ba nang le Bokooa Nkhasi Sefuthi, o itse ba leboha UN ka ho ela hloko talenta le botsebi ba batho ba nang le bokooa hobane seo se thusa litabeng tsa ntlafalo ea bona le ho pepesa talenta ea bona sechabeng.

O re morero oa Lefedi ke o tl'o thusa batho ba nang le bokooa ka lihlahisoa tsa bona, 'me liphaello tse entsoeng tšebetsoeng e joalo li tl'o sebelisoa ho tšehetsa likhoebo tsa batho ba nang le bokooa le ho matlafatsa khoebo ea bona. O re ba etsa sena kaha ba tseba hore tapole ha se ntho e sokolisang empa ba ikemiselitse ka matla ho bona hore bophelo bo botle ba bona bo tla thusa hore malapa a phele ka lijo le liaparor.


A re seo ba se hlokanang ke ho bona motho ea nang le bokooa a ntlafetse boemong ba khoebo a tseba ho iphelisa le ho bapatsa khoebo kaha ba tla boela ba thakeloa ka malebela mabapi le litaba tsa khoebo.





MOB KIDDS EDUTAINMENT

Puzzle MOB 92-4565



Across

- 6 Nako ea hoseng eo khanya e qalang. (4)
- 8 Mafisoana a matle a ngoana morena (Selotho) (5)
- 9 Balo ba kakatana mohlakeng (Selotho) (6)
- 11 Ke khoeli eo ka eona lipula tsa pele tsa selemo li nang. (6)
- 21 Ho ba mathe le leleme (9)
- 24 Letšoao le supang pheletso ea polelo. (6)
- 26 Ntja ea selomela kobong (Maele) (12)
- 27 Papali ea bana moo teng ba thehang malapa. (9)
- 28 Naleli ea pele ka phirimana. (12)
- 29 Banna ba sa beheng melamu fatše (Selotho) (6)
- 30 Pula e nang hanyane. (11)
- 31 Nako eo ho chesang ka eona selemong. (9)
- 32 Lehahana la Raletsoai (Selotho) (6)
- 33 Boemo ba ho ba bohlokong ka lebaka la lefu. (6)
- 34 Naleli e khanyang ka ho fetisisa bosiu, 'me e na le tse e pota-potileng. (4)

Down


- 1 Papali ea banana e bapaloang ka majoe (6)
- 2 Letšoao le supang hore ho qotsoa litaba ho ea ka moo monga tsona a li boletseng. (5)
- 3 Fie-fielu nkoko a tsoale (Selotho) (7)

- 4 Ngaka e laolang. (6)
- 5 Pula e nang ha bobebe ntle le ho thoathoaretsa. (6)
- 7 Sehoete sa thoteng. (11)
- 10 Mohatsela (6)
- 12 Pula e nang ka sekhahla se seholo sa moea. (6)
- 13 Nako eo lefifi le aparelang naha ka eona 'me ho eba lefifi. (8)
- 14 Naleli e bonoang li le sehlotšoana, ha selemo se sa tsoa thoasa. (8)
- 15 Sefefo sa moea, lialuma le lethoathoaretsa tse etelletseng pele sefefo. (11)
- 16 Joala bo ritetsoeng ba Sesotho. (7)
- 17 Khoeli eo ka eona Lehlabula le thoasang. (10)
- 18 Letšoao le supang hore polelo e tsoela pele.
- 19 Motho ea laolang a sebelisa litaola ho lepa mathata a batho. (8)
- 20 Linaleli tse tšeletseng tse bonahalang e ka ke lintja le likolobe. (8)
- 22 Sebaka se otliloeng ke lehalima. (12)

- 23 Lebese le mafura. (6)
- 25 Mahlohlojane a masesane a mobu a tsamaeang le moea. (6)
- 31 Pula e hoamisitsoeng ke mohatsela. (6)

SOLUTION

MOB 92-4465





TSA KEREKE

Barali ba etela bakuli

Tšeliso Thakholi

Barali ba Pelo e Tlotleheng ea Jesu ho hlaha limmishoneng tse fapakaneng tsa Tikoloho e Kholo ea Maseru, ba ile ba etela maqheku le bakuli ba Kopano ea Barumuoa ba Maoblata a Maria

h'a ne a qeta ho phekola monna oa sefoku a ne a re ho eena, "tsamaea feela u se ke ua joetsa batho." A khothaletsa bohle ho itloaetsa ho mamele e le hore ba tle ba rue tsebo.

Ha Sehlabelo sa 'Missa se fela, Barali ba Pelo ba ile ba leba Lebreton House moo ho ileng ha e-ba le lipuo le phano

Kanana ha Morena Molimo a ntse a re bolokile." O boletse joalo a bile a tiisa hore kamehla ba tlaloe ke thabo le matla a maholo ha ba ntse ba hopola tse ntle tse molemo tseo bahlanka bana ba Molimo ba ileng ba ba etsetsa tsona, "li ntse li le teng hobane tlole ha e fele ha e fete." A qetella ka ho ipiletsa ho Barali ba Pelo ho tsoelapele ka mosebetsi ona o motle oo ba ntseng ba o etsa, 'me leha ba ka kopana le liqholotso ba se nyahame, etsoe Kriste tseleng ea sefapano a ile a oa makhetlo a mararo e le sesupo sa hore "ha re oele re phahame re se ke ra oella ruri."

Lebitsong la maqheku le bakuli, Fr. Anthony Lesema Matsoso OMI o thoholelitse le ho leboha litho ka ketso ena ea lerato ea ho ba etela. A re ketso ena e amana haholo le seo re se ketekelang ka nako ena, e leng ho tla ha Morena oa rona Jesu Kriste, 'me seo a neng a se tletse e ne e le ho



ea se nang Sekoli Tlung ea bona, Lebreton, Mazenod ka la 8 Tšitoe 2024.

Sepheo sa ketelo ena, e ne e le ho ea ba hloela, ho thaba le bona le ho ba fa limpho sebakeng sa Kerese-mese le selemo se secha. Ketso ena ea lerato le tso-tello ho bahlanka bana ba Morena Molimo, e ile ea qala ka Sehlabelo se Halalelang sa 'Missa o bileng Parishing ea Maria Mofumahali oa Lefatše, o neng o eteletsoe pele ke Fr. Monyane Moshoeshoe OMI moo hara tse ling litho li bileng tsa nchafatsa lipallo tsa tsona.

Hoba a hlalose mangolo a Sontaha sa Bobeli sa Advente, Fr. Moshoeshoe o boletse hore e 'ngoe ea lintho tse re sitisang ho phela ha monate, eo Morena Molimo a re thusang kamehla hore bophelo ba rona bo be monate ke ho hloka tsebo. A bontša hore tsebo e'a folisa, e etsa motho ea phelang bophelo bo monate, e bontša kholo mothong le ho re kopanya le batho ba bang. A re melemo ea tsebo ea 'nete ha e hloke lerata. A etsa mohlala ka Jesu Kriste

ea limpho ho maqheku le bakuli. H'a fana ka limpho tsena lebitsong ba Barali ba Pelo, e mong oa ba filoeng boikarabello ba ho bona hore litho



li phetha boitlamo ba tsona, Mofumahali 'Malerato Fiee o itse o motlotlo haholo haele mona litho li ntse li tsoelapele ka kano ea bona ea botšepahi ea ho etsa mosebetsi oa boapostola bo tsoang botebong ba lipelo ba tsona.

A re leha ho le thata ba tla hahamalla pele boitlamong ba bona joaloka bana ba Israele ba neng ba tšele leoatle le lefubelu ba ba ba fihla Kanana. "Le rona re tla be re il'o fihla

tla re senolela lerato la Morena Molimo le se nang moeli, e le lerato le bonoang ka liketso e seng ka lipuo feela. "Rea leboha ho tsohle tse ntle tseo le li etsang molemong oa rona. Rea leboha Barali ba Pelo Morena a be le lona." Ke Fr. Matsoso eo. Haele mohlokomeli oa maqheku le bakuli Bro. Leonard Libe OMI eena o ile a hlahisa bakuli kapel'a litho le ho li amohela ka mofuthu.



2024-2025 SELEMO C


Sontaha sa 3 sa Advente

Sofonia 3,14-18

Pesalema

1 Ba-Filipi 4,4-7

Luka 3,10-18



Khothatso

Morena Molimo o ka hare ho uena

Re ntse re tsoelapele ka boitokisetso ba rona ba ho tla ha Morena, 'me ho tla hona ke hoa Jesu Kriste e le Messia lefatšeng. Thuto ea Pele e qala ka ho re "Hlaba molilietsane, uena morali'a Sione, hooa ka thabo, uena Israele; thaba, u nyakalle ka pelo ea hau eohle, uena morali'a Jerusalema." Sione kapa Zion e ne e le thaba e neng e le pel'a Jerusalema 'me ka mengoaha e metelele liroki le baprofeta ba ile ba e fa lebitso le halalelang hoo e qeteletseng e fetoha Jerusalema. Ka hona batho ba Sione ha ho thoe ba thabe ba nyakalle ke ho tsoantša hore ba thabele sebaka se Halalelang e leng Jerusalema.

Ha e tsoelapele e bua ka hore Morena o hutse kahlolo ea hae a ba a leleka lira tsa hau. Ha re sheba taba ena ka leihlo la moea, re bona hore ka morero oa pholoho o tlleng ka Morena Jesu, sera; sebe, se hlotsoe. Ka tumelo ea rona ho Morena Jesu le ka Sakramente ea Tlhatsuo e re fang pelo le moea o mocha le ho lula ha Moea o Halalelang, re fumane ho loka ha rona pholohong ea Morena Jesu. Ka Sakramente ea Pako re lokafatsoa kamehla, hofihlela Morena a lebala libe tsa rona tsa khale. (Jeremia 31:34) Ka ho tšoloha ha Mali a Mora oa hae, Morena Molimo o re tsoarela libe.

Thuto ea Bobeli eona e re bohle ba ithabele Moreneng kamehla, 'me e phetha hape e re ithabeleng. Kannete ruri ithabeleng hobane le litholoana tsa mosebetsi o tlotleheng oa Morena. E mong le e mong oa lona o khethiloe pele ho ba sebopuo sa Morena Molimo. Ke thabo e kaakang ho tseba hore o baluoe hara bakhethuoa.

"Boitlhompho ba lona bo tsejoe ke batho bohle." Boitlhompho ke e 'ngoe ea lineho tse robong tsa Moea o Halalelang, (Ba-Galata 5:23) ka hona ha batho ba sisinngoa ke boitlhompho bo tsoang bothong ba rona, ha ho qea-qeeo hore ba sisinngoa ke tholoana ea Moea o Halalelang e kollang letlotlong la Morena Molimo.

Evangeling Joannes Mohlatsoi o re ea tlang kamor'a hae o tla re hlatsoa ka Moea o Halalelang le mollo. Tlhatsuo ea Moea e tsoantša Sakramente ea Tiiso le ho amohela ho lula ha Moea o Halalelang. Ho bolela hore bohle le rongoa ho phatlalatsa Evangeli baneng ba habo lona, hape tlhatsuo ena e bolela hore le halalelitsoe ka Moea e le hore le be bana ba Molimo ba halalelang. Ntle le khalalelo le ke ke la kena Leholimong, hobane ke lehae la ba ratang, ba e-na le boikokobetso, ba sebeletsa, ba mamela, ba bua 'nete... ana ke makhabane ao bohle le lokelang ho sebeletsa ho ba le ona.

Joannes o qetella ka hore "Eo seoloso sa hae se leng letsohong la hae, 'me o tla fiela seotlo sa hae, 'me o tla bokella koro molikong oa hae, empa 'moko o tla o chesa mollong o sa timeng." Na Morena o re nka re le koro kapa 'moko? Potso ena e hloka re e arabe hobane e tla re thusa ho etsa phetoho boitokisetsong ba rona.

Kaofela ha rona ha re etseng se molemo e le hore re tsebe ho halaletsoa ka Kriste, 'me kopano ea rona le eena e tle e be e tletseng thabo le monyaka.

Bahalaleli har'a Beke

- | | | |
|----|--------|--------|
| 16 | Tšitoe | Albina |
| 17 | Tšitoe | Begga |
| 18 | Tšitoe | Rufus |
| 19 | Tšitoe | Daruis |
| 20 | Tšitoe | Ammon |
| 21 | Tšitoe | Adrian |



O thabisa batšehetsi

Tšeliso Thakholi

Khalala ea Sehlopha sa Bolo ea Maoto sa Swallows, Relebohile Ramahlele 'Tšehla' ka moo ba mo reneketsang ka teng mabaleng a lipapali, o thabisitse barati le batšehetsi ba sehlopha papaling e bileng lipakeng tsa Swallows le Members Lebaleng la Machekoaneng, Mazenod ka Sontaha sa la 8 Tšitoe monongoaha. Tšehla o ile a rahela li-

palong bolo e ntle, ho hlaha moleng o ka letsohong le letona moo mola o kamorao oa Members o kenyeletsang Tšepo Kolobe, Bofokeng Taole, Bokang Mahamo le Rakhoboso Mantsi o ileng oa leka ho e thiba, athe ba itlhaba ka lerumo. Sethibathibane Moeketsi Mohaesa o ile a utloa ka litlatse le menyakoe ea batšehetsi ba Swallows hore bolo e se e le ka letanteng. Ba sala ba itšoere lihlooho!

Swallows e ile ea sireletsa ntlha ea eona ho fihlela



Ba lokeloa ke hlomphe



Teele Ntšonyane.

Tšeliso Thakholi

Barati le batšehetsi ba bolo ea maoto ba re bakoetlisi ba lokeloa ho hlompheua mosebetsing oa bona oa ho holisa bolo ea Lesotho. Ba buile tse na le Koranta ena e le ha ba bontša ho tšoenyeha ho hoholo ke ho lelekoa le ho itokolla ka sekahla se phahameng ha bakoetlisi lihlopheng tse fapakaneng tsa Liki e Kholo kaha sena se ka tloha sa thuntsetsa boemo ba papali kahare ho naha.

Ba re leha ho hloka mosebetsi e se ntho e jesang litheohelang empa ho bonahala bakoetlisi kahare ho Naha ea Lesotho e le mosebetsi o nkoang ha nyenyane haholo, 'me beng ba lihlopha ha lihlopha tsa bona li sa sebetse hantle ba lokela ho lula tafoleng le bakoetlisi ka lipuisano tsa khotso le ho tliša tharollo e seng ho lelekoa, ba se ke ba kena-kena le mosebetsi oa bakoetlisi. Ba re mokoetlisi h'a se a fuoe mosebetsi libapali li ikarabella ho eena, 'me ha ho moo baokameli ba lihlopha ba lokelang ho

lisi ka nqane, 'me sena se bakile pherekano e kholo ho libapali. Ba ipilelitse ho beng ba lihlopha hore moo e bang lintho ha li tsamae hantle lipuisano tsa khotso ke eona tharollo kaha sena

soe. Ha ka sehlopheng sa LUFC Mokoetlisi Shalane Lehohla menyenyetsi e supa ha le eena a itokoletse. Athe Mokoetlisi oa Liphakoe Lefa Tsutsulupa o ntse a beheletsoe ka thoko



Shale Lehohla.

se ka tloha sa senya matla le boleng ba papali ea bolo.

Ke lihlopha tse 'maloa tseo bakoetlisi ba seng ba

ho bokoetlisi khoeli ena ea Tšitoe kaofela, ho ntse ho e-s'o hlake hantle hore na bokamoso ba hae ke bofe sehlopheng seo. Pelaelo ke hore ho sa na le lihlopha tse ling tseo koranta ena e nang le mabitso a tsona tseo, bakoetlisi ba tlišo lelekoa hang ha lihlopha li kena karolong ea bobeli ea lipapali tsa liki mathoasong a Pherekhong isao.



Freeze Ntene.

taba ena ha e etsahale ha bonolo. Ba etsa mohlala ka e 'ngoe ea lipapali tsa Liki e Kholo eo ba sa kang ba rata ho e bolela ka lebitso, moo ba boneng mookameli oa sehlopha se seng seo koranta ena e nang le mabitso a hae, a neng a fana ka litaelo ho libapali nakong ea papali ka nqena le mokoet-

itokolotse ha ba bang ba hlabisitsoe thoto ka monkhoane. Sehlopha sa pele ke sa Bantu moo James Madidilane a itokolotseng ho leba sehlopheng sa Lijabatho, kamora hore Teele Ntšonyane a lelekoe sehlopheng seo. Sehlopheng sa Linare Motlatsi oa Mokoetlisi Freeze Ntene o lokolot-



James Madidilane.

motsotsong oa ho qetela oa papali. Barati le batšehetsi ba Swallows bao hlathe e neng e lelekisa tsebe ke thabo ha papali e se e felile, ba ile ba kena ka lebaleng ka litlatse le mehoo ea thabo ho ea thaba le sehlopha sa bona. Ka lebaka la matla le boima ba papali ka lehlakoreng la Members, e ile ea qetella e fumane likarete tse tharo tse tšehla le e le 'ngoe e khubelu e ileng ea fuoa Bokang Motsamai ka lebaka la ho tšoara bolo ka matsoho.

Leha e ekelitse lintlha-kholo tse tharo ka mokoetleng, Swallows e ntse e le maemong a bohloko lokong ea lihlopha tse ka Boroa tsa A Division, 'me e'a phomolong ea Keresemese le selemo se secha e setse ka lintlha-kholo tse tharo feela hore e ka nyolohela boemong ba bobeli. Boemo bona bo ka 'na ba beha Members ka moo thakali e fatelang, ha feela e ke ke ea phahamela mapoqo hang ha li khutla selemong se secha.

Kamora papali Motlatsi oa Mokoetlisi oa Members Thabiso Tsoako, o itse le leng la mabaka a ho fumana likarete tse ngata tse tšehla le e le 'ngoe e khubelu ke hobane papali ena ke e kholo haholo ea lihlopha tsa lehae, 'me litebello tsa batšehetsi li ngata papaling ea mofuta ona. Ka hona libapali li etsa sohle se matleng a tsona hore li hape papali. Athe haele e khubelu eona o itse e hlile ha khotsofala ho hang, kaha e'a belaetsa. "Empa leha ho le joalo re ka se ba qose hoba ke mosebetsi oa bona." A rialo a bile a phethela ka hore morero ke ho tla eketsa libapali ha Festere e buloa ka Pherekhong e le ho matlafatsa sehlopha.

LBA e khutlisetsa sechabeng

Tšeliso Thakholi

Mokhatlo oa Lesotho oa Papali ea Basketball (LBA) o hlophisitse litlholisano tsa matsatsi a mabeli tsa Summer Slam Charity Tournament tse tllio tšoareloa Ha Ratjomose, Maseru ka la 14 ho isa la 15 Tšitoe monongoaha, ka sepheo sa ho buseletsa sechabeng ka ho bokeletsa limpho tse fapakaneng tse tlang ho fanoa mohla letsatsi la litlholisano ho phallela lehae la likhutsana le tlang ho khethoa ke mokhatlo.

Lihlopha tse tlang ho koebana litlholisanong tsena ke tsa mekhahlelo e meraro ea papali ea Basketball e leng mokhahlelo oa pele oa bana o bopiloeng ka lihlopha tse tšeletseng e leng, KTA, All Stars, Bokamoso Alumni, LP, Simply Razz, Rebels le Lichocho. Mokhahlelo oa bobeli ke oa basali o bopiloeng ka LP, Bokamoso Dolphins le sa baeti se bitsoang Lethal Dragons ho



Raliphatlatso oa LBA Sama Motsamai.

hlaha Bloemfontein Naheng ea Afrika Boroa.

Mokhahlelo oa ho qetela ke o bitsoang Cooperatives e leng o bopiloeng ka lihlopha tsa likampani tse kang

Maluti Mountain Brewery (MMB), 'Banka e Putsoa' Standard Lesotho Bank, LUCT le Simply Talent.

Ho ea ka e mong oa bahlophisi ba litlholisano

tsena, Monghali Sam Motsamai o re morero o moho oa LBA ke ho kenya letsoho le toma ho thusa bana ba phelang mahaeng a likhutsana ka sohle seo

ba ka phelang ka sona. A re ha ba se ba bokeletse lintho tsohle tse tla beng li fanoe ka lerato ho tsoa botebong ba lipelo, bona e le mokhatlo ba tla hloaea lehae leo ba tlang ho le fa limpho tsena.

A re e sa le ho tloha ba qalile litlholisano tsena tse khohlo kahar'a naha, likatleho li teng kaha ba tlišitse phetoho e khohlo bophelong ba bana ba phelang mahaeng a likhutsana, 'me maikemisetso a bona ke hore isao ba tla be ba itlhophile haholo ho feta mona. A tiisa hore taba-tabelo ea bona ke ho bona litlholisano tsena li e-na le mofani ea tla hle a atlehise morero ona o motle.

A ipiletsa ho bafani le ho batho bohle ba boithatelo bo botle ho etsa letsoho la monna molemong oa bokamoso ba bana ba phelang mahaeng a likhutsana. A tiisa 'nete ea hore ka ho fana ka mpho ea lerato ho ea hlokang ke bopaki ba hore lipapali li tliša phetoho bophelong ba bana le ho sechaba sa Basotho ka karekare.

E otlolloa e sa le metsi

Tšeliso Thakholi

Seabo sa basali kholisong e phethahetseng ea bana, ho holi sa le ho matlafatsa litalenta tsa bona, e tlišo bonahala ka matla a maholo kamor'a hore Mofumahali 'Mathato Pitso a tsoe letšolo motseng oa habo oa Ha Ralebekere tikolohong ea Motimposo, Maseru ho bokella bana ba lilemo le katlase ho 14 ho theha sehlopha sa papali ea setepe le ho tantša sa Lucky Dance.

Ho ea ka 'Mathato thupa e otlolloa e sa le metsi, 'me h'a holise feela litalenta tsa bona tsa papali ea ho tantša empa ho na le lithuto tseo a fanang ka tsona ka matsatsi a itseng, tse kang tsa ho ba le boitšoarobotse le boikemelo haholo-holo bana ba banana ba bonahalang ba kopana le liqholotso tse ngata tse kang tsa tšekefetso, ho nyaloa ba ntse ba

le lilemong tse tlase le ho ba bakhachane lilemong tse tlase. O tiisa 'nete ea hore talenta e tsamaea le boitšoarobotse, 'me leha ngoana a ka ba le talenta ha feela a se na boitšoarobotse e fetoha lefeela la mafelane.

Mofumahali 'Mathato ea bonahalang a e-na le lerato le tebileng ho bana, o re boi-

karabello ba hae bo bohlo sehlopheng sena ke ho otlaba bana ho bona hore ba ba le bokamoso bo chabileng ka ho qala pele ka ho ba ruta ho nena thobalano pele ho lenyalo hobane ke sebe mahlong a Morena Molimo. E khohlo ka ho fetisisa ke ho tseba Morena Molimo, ho mo rata le ho mo sebeletsa

ka litalenta tsa bona tsa ho tantša le ho etsa papali ea setepe.

"Rona sehlopheng sena ha re etse papali ea setepe feela matsatsing a phomolo ea Keresemese, empa ke ba suoalemo ho pota. Hoba ke batla ho bona ba holela tšabong le leratong la Morena Molimo." Ke 'Mathato eo a bile a eketsa ka hore kaha kholiso le ho otlaba litalenta tsa bana ke boikarabello

bo boima, o se a etsa kopothapeli ho bahoebi le ho batho bohle ba boithatelo bo botle ho etsa letsoho la monna, molemong oa bokamoso ba bana.

A re seo a hlokang hore a thusoe ka sona haholo ke ho bona bana bohle ba sehlopha sa hae ba kena sekolo hantle, ba thusoa ka seaparo sa sekolo kaha ka malapeng ho sa lekano. A re a ka khotsofala haholo ho bona basali ba metse e meng le bona ba phuthile bana ho ba qobisa lintho tse ka senyang bophelo ba bona, ba sa ntse ba le banyenyane haholo lilemong. A re mamati a butsoe ho ka thakela basali bohle ka malebela bakeng sa kholiso le koetliso ea bana molemong oa ho holisa litalenta tsa bona. A qetella ka ho ipiletsa ho bahlophisi ba mekete e meholo ea 'muso ho ba kenyeletsa meketeng e meholo ea sechaba bakeng sa ho natefisa ka lipapali tsa bona. A re le meketeng eohle b'a mengoa ho tla etsa menyakoe.

